



Indigenous Voice

# MAPIRRI WARRKAM MARNUWU PIYIRNTA JAA TORRES STRAIT ISLAND JANGKARLA.



**PIYIRN JAA TORRES STRAIT ISLAND JANGKA PALURLA PINARRI NYANTUKURAWU JARLUJANGKAWU.  
YUNGANY PALA PALUNYA NYANTUKURA WARTAPARAN JANGKA YAPA.**

MIINYARTI WANGKI PIYIRNKURRA PA JIPINY MURLA PAWU AUSTRALIA – KARRAJI. PUJU PALU MIINYARTI PIYIRNKURA NGINYJIRRI KARRKU PIYIRN NYAPURTU KARRA PALU NGUNAWU WULYU WULYU. NGURRA WARLANY JAWURLATA WARLANYJA MARLAMANNINY PALUNYANANGURLA KANARLANYPARNI WANGKI.



## NYAPURTU JARRINYAPA JARLUWARLANY

PIYIRNTU PALU PIKAKUJIRNI JARLURNI PAJA WANGKI YITLAL WARLANY YITLAL WARLANY.

JAMURN YITLAL 2019 PUJU JARRINYA, PIYIRNTU MURLAPAWU JAA PIYIRN TORRES STRAIT ISLANDERJANGKARLU PALUNYAN MUNGURRPINYA.

MIINYARTIWARNTIRLU MUNGURRPUNGU JANGKARLU PALU KURAJPIYINA WANGKI NYANTU WARNTI KURA, NYAPURTU KARRA NGUJA JARLU MIINYARTIRLA AUSTRALIA-LA, JARLURNI PALURLA PINARRI WARRKAMKU, MUNGURR PUNGURLA PALUNYAN JAPIRLYINYA NYAPURTU KARRA PA WULYU WULYU NGUNANGUWU NYANARTI WARRKAM.



## PIYIRNKURA WANGKI

MIINYARTI WARNTIRLU PALUNYAN MUNGURRPINYA, WANGKI PALU YUTUKANI NYAPURTU KARRA PIYIRN JAA TORRES STRAIT ISLAND-JANGKA PALU WANGKI NURRURRU YUTUKARRKU, PAJA MIRRILA PIYIN PALU MARNANKU. WANGKIMARNULA PALU YUTUKANI NYAPURTUKARRA PIYIRNKURA WANGKI PA KIRNINYJARRIWU, KURRINYJARRIWULA.

MARNPAJANGKA JAA  
PIRNTIRNIJANGKA PALUNYAN  
KIRNINYMANI WANGKINGA  
KAYANTA. MARNPAJANGKU  
JAA PIRNTIRNIJANGKA WANGKI  
PILANYANU KIRNINYMANKU,  
YANGKALA COMMUNITY  
JAA GUPMAN PILA  
WARRKAMMALKU KAYANTA.

PIYIRN WANGKIJARTI  
PALA PALURLA YANKU  
LIRRKARNJARTI  
GUPMUNKARTI  
CANBERRA-KARTINY  
NYAPURTU KARRA PALU  
PIYIRN JAA TORRES STRAIT  
ISLAND-JANGKAPALU  
NGUNINY.

GUPMANTU MURLAPAWURLU JAA CANBERRA-KARRJIRLU PALU PINANGA KUJIWU WANGKI PIYIRNKURA WANYJURLA WURTI PALU NGUNANGANA.



## NGAWURTI MAN MILYILYIRLA LA MARTALANY MANYJA WARRAJA

PIYIRNKURARLU WANGKINGU PA KURNAKKUJIWU KUJAWURLURRA NYAPURTU KARRA PALU PIYIRN NGUNAWU COMMUNITY-WARNTIRLA.

PINAKARRRIWU MARNA NYIRRANGURLA, NYAPURTUKARRA MANTA PINAPINA KARRILANY, NGANAWARNTI MIINYARTIWARNTI WANGKIWARNTI, WANYJARRA WARRKAM MALKU WULYU WULYU.

- TIKIRR YUNGKALURLA WANGKI, FEEDBACK SURVEY-LAA, PARLIPUNGKA INTERNET-TA [voice.niaa.gov.au](http://voice.niaa.gov.au)
- TIKIRR YIPA NYUNTU KURA WANGKI, NGANA WANGKI MAN NYANGANY NYARTIRLA [voice.niaa.gov.au](http://voice.niaa.gov.au) -LA
- NYUNTUKURA WANGKI YUTUKARRA SOCIAL MEDIA-RLA, YIPA NYANANGU [#IndigenousVoice](https://twitter.com/IndigenousVoice) TA

- JULANYANANGURLA NYUNTUKURARLA, JARNTUWARNTIRLA MAPIRRI KARRAJIRLA JAA COMMUNITY-RLA.
- KURAJPUNGKALU NYUNTU KURARLA COMMUNITYLA YANGKA MANTANYAN MUNGKURRPUNGANY. NYAKALU MARRKINGU, NYAKALUYAPURTU KARRA PALU YUTU KANI WANGKI MIMIWU CORONAVIRUS-KU.

MARRKI NYAKALURLA NYAPURTUKARRA PALU WANGKI YUTUKANI, NYAPURTU KARRA PIYIRNKURA WANGKI PA NGUNAWU INTERNET-TA NYAKA [voice.niaa.gov.au](http://voice.niaa.gov.au).